

INFORMACIJA

O ROBNOM KREDITU RAIFFEISEN BANK INTERNATIONAL AG ZA FINANSIRANJE PROJEKTA MODERNIZACIJA UNIVERZITETA U BIHAĆU

Okvirnim sporazumom između Vijeća ministara Bosne i Hercegovine i Vlade Republike Austrije o finansijskoj saradnji, koji je potpisan 30.03.2006. godine, austrijska strana je Bosni i Hercegovini stavila na raspolaganje 75 mil. EUR-a. Zapisnikom o pregovorima između Austrije i Bosne i Hercegovine o proširenju Okvirnog sporazuma o finansijskoj saradnji potpisanog 25.01.2008. godine, Bosni i Hercegovini odobreno je dodatnih 50 mil. EUR za finansiranje infrastrukturnih projekata.

Vlada Federacije Federacije Bosne i Herecegovine je na svojoj 109. sjednici od 16.07.2009. godine usvojila Zaključak broj 504/09 kojim su identifikovani Projekti koji se mogu finansirati putem ovog sporazuma na čijoj se listi našao i Projekt modernizacija Univerziteta u Bihaću (u daljem tekstu: Projekat).

Na osnovu iskazane potrebe, Vlada Unsko-Sanskog kantona je na svojoj sjednici održanoj 06.09.2010. godine donijela Odluku o davanju prethodne saglasnosti na kreditno zaduženje za Projekat, a Skupština Unsko-Sanskog kantona na svojoj 9. Sjednici od 15.06.2011. godine donijela Odluku o odobrenju kreditnog zaduženja Unsko-Sanskog kantona za Projekat, u iznosu od 5.000.000,00 EUR, putem kredita Austrija II.

U vezi sa navedenim 05. i 06. juna 2012. godine u Beču su održani pregovori vezani za predloženi kredit, koji će biti od strane Raiffeisen Bank International AG, prosljeđen Bosni i Hercegovini u iznosu od 5.000.000,00 EUR-a. Bosna i Hercegovina će pod istim uslovima sredstva kredita Supsidijarnim ugovorom proslijediti Federaciji Bosne i Hercegovine, a Federacija će kredit dalje proslijediti Unsko-Sanskom kantonu, odnosno Univerzitetu u Bihaću.

Projektom je predviđeno opremanje savremenom tehničkom, laboratorisjkom i nastavnom opremom svih visokoškolskih institucija na Univerzitetu u Bihaću. Osnovni ciljevi Projekta su osavremenjivanje nastavnog procesa i podizanje opremljenosti laboratorija, kabineta i učionica, te podizanje standarda nastavnog procesa i laboratorijskih vježbi na viši nivo. Projekat će omogućiti proces sticanja znanja, upoznavanja sa najnovijim tehničkim i tehnološkim dostignućima u modernom nastavnom procesu te druge pozitivne efekte u nastavnom i naučnoistraživačkom radu.

Sredstva zajma, odobravaju se Federaciji pod slijedećim uslovima:

- iznos zajma:.....5.000.000,00 EUR
(od toga se otplaćuje dio A 85% zajma u iznosu od 4.250.000,00 EUR-a i dio B 15% grant koji se neotplaćuje u iznosu od 750.000,00 EUR-a)
- rok otplate. 11,5 godina
- grace period: 1 godina
- kamatna stopa: 0,00 %
- otplata :..... 21 polugodišnja rata u jednakim otplatama glavnice
- troškovi marže OeKB-a 1,1 %
(podržano grantom Ministarstva finansija Austrije u iznosu od 289.031,25 EUR)
- jednokratna naknada za upravljanje na ukupni iznos zajma..... 0,40 %
- troškovi za neiskorištena sredstva 0,31% godišnje
(u toku perioda povlačenja sredstava)

Prema uslovima Sporazuma o zajmu, zajam će u potpunosti otplaćivati Unsko-Sanski kanton, te s tim u vezi dodatna sredstva iz Budžeta Federacije nisu potrebna.

Na osnovu izloženog, a radi upućivanja Parlamentu Federacije BiH na usvajanje, Vlada Federacije BiH utvrđuje prijedlog Odluke: